

# HAVAANUT UPALUNNGAIYAUTIT 2019-2022






ᐃᑦᑦᑦᑦᑦ ᐃᑦᑦᑦᑦᑦ  
ᐃᑦᑦᑦᑦᑦ

**NUTAQQANUT INULRAMIRNULLU  
UQAQTIKHAANIK**

**REPRÉSENTANT DE  
L'ENFANCE ET DE LA JEUNESSE**

**REPRESENTATIVE FOR  
CHILDREN AND YOUTH**





# ILUANI ITTUT

NAITTUQ	4
MALIKTAKHANGIT	5
TIKINNAHUAQTANGIT	5
TAUTUKTUUYAQTAIT	5
MALIKTAUYUT	6
QITQANI HAVAAQ	6
HAVAKVINGA TIKINNAHUAQTANGINNIK	9
NAUNAIPKAINIQ HIVULLIUTIGIYAKHAT HAVAUHIKHAT 2018-19	11
HIVULLIUTIGIYAUYUKHAT TIKIUTIUMAYAIT HAVAAQHAT 2019-22	16
NAUNAIRVINGA A: KIINAUYALIRINIQMUT NAITTUQ	18



# NAITUQ

Nutaqqanut Inulramirnullu Uqaqtikhaanik inmikkuuqtuq havaktiuyuq Maligaliurvikmut. Uqaqtikhaanik tikkuaqtauvaktut tallimanik ukiunik ilauyukhaq Kamisinauyuq Nunavumit pitquyauyuq Maligaliurvikmut. Havaanga Nutaqqanut Inulramirnullu piliurhimayuq uumannga *Uqaqtikhaanik Nutaqqanut Inuulrammiinullu Maligaq* (RCYA).


Tamna RCY Maliganga piyuq angirutinga Saptaiqa 17, 2013mi uumanilu June 2, 2014mi Maligaliurvik angiqtaik tallimanik ukiunik tikkuaqtauninnga uuma Sherry McNeil-Mulak uuminnga Nunavuutim hivulliqpaq Uqaqtikhaanik Ms. McNeil-Mulak havaariliqtaa June 16, 2014mi. Tamna havakvinga ilitariyauyumik angmaqtuq Saptaiqa 30, 2015mi.

Tamna RCY Maliganga uqaqtuq Uqaqtikhaup maliktakhangit hiknaqti uumunnga ihumaqhutiit unalu Ihumagiyaayut nutaqqanut inulramirnullu ikayuriamilu Maligaliurvik unalu Nunavut Kavamanga naunairiami ihariagininnit piyait. Tamna havakvinga akhuraaluk ikayuqtait nutaqqat inulramiillu 18nik ukiuqaqtut ataaniluuniit. Kihimi, Tamna RCY Maliganga ilitariyait ilangit qanuriliurutingit talvani havaktingit havagiamikni inulramiiniq 25mut ukiuqaqtunut.

Uqaqtikhaanik ihariagiyaq piliuriami ukiuq tamaat unniutjutinik uumuuna havakviup havaangit iniqtirutingillu maliktakhanginnik aippaanganit ukiuq. Tamna ukiuq tamaat unniutjutinik iliuraqniaqtuq katimatjutikhamut Maligarvikmi. Uqaqtikhaanik ihariagiyaayuuqlu katimayukhat tikkuaqtauhimayunut katimayiinginnut Maligaliurvikmut naunaiyariamikni una ukiuq tamaat unniutjutinik.

Titiraqhimajumi uvani Ilangani A-mi, una Nutaqqanut Inulramirnullu Uqaqtikhaanik Havagvik (RCYO) maniknik aturutikhaqaqtun imaatun \$2.130 million uumunga 2019-20mun. Havagvingmi havaktiit ilaqaqtun Uqaqtikhaanik hapkuningalu 8nik havaanik: aulapkaiji nutaqqanut inulrammiinnunlu akhuuqhainikkut havagutainnik, atanngujaaq tuhaumapkainikkut inungnunlu qaujihimapkainikkut, malruuk angajukhiik tamainnik ihivriutininik/qaujihaqtinik, tahamaniiliqtukhanun titiraqti, pingahullu nutaqqanut inulraammirnullu akhuuqhainikkut ajuitun. Ilaungittuni Uqaqtikhaq, havaktiit ilaujut kavamatkut havaktiinni naunaijaqtauhimajumi uvani *Kavamatkunni Havakviinni Maligaqmi*. Naunaijauti 1 tautuktitaa havagviup havaktiinnik naunaitkutainnik.

Tamna havakvinga ittuq Iqalungmi unalu havaktingit piliuqtuq ilauqatigiiniq nutaqqanut, inuulramiitut, ilanginnut havakvikmilu ikayuqtingit nunavunmi ukunuuna ikayuqhimmamaqnikkut, unalu nunallaanut pulaaqhimmamaqpakhutik.



Piksangani 1: Qanuriliurutinga Havakviup Naunaitkutinga

# MALIKTAKHANGIT

Tamna RCYO ikayuqtait pilaarutinginnut piumayanginnullu nutaqqat inuulrammiillu nunavunmi ikayurhugillu Maligaliurvik unalu Nunavut Kavamanga naunairiami ihariagininnit nutaqqat inuulrammiillu piyait. Tamna RCY-kut havakvinga munariyauyuq RCY Maliganganit, Hilaryuaqmionmi *Angiqatigiikniq Pilaarutinganit Nutarap* (CRC), Inuit Nuatqatigiiknikkut Ukpiriyain, kaanatami ikayuqniq maligangit nipingillu nutarap.

Tamna havakviup maliganga ilaliutiyuq hapkuat havaangit naunaiqhimayuq RCYA-ngani:

- Naunaiqlugu nutaqqat inuulrammiup pilaarutingit piumayanginniklu, inmikkuuqtumit atauttimullu hapummiyauyut hivumuuqtuqlu kavamatkut havakvingillu tikkuaqtauhimayut piyunnautingit<sup>1</sup>, tuhaayauyut ihumagiyauyullu qanuqtut ihumagiyanganik nutaqqat inuulrammiillu hunavaluknik ayurhautipkaiyanginnik;
- Naunaiqlugu nutaqqat inuulrammiillu piinarialeqihimayait GN ikayuutingitlu tamnalu GN ihumagiyaait ihumaaluutinginnik tahapkununnga ikayuutinut;
- Ikayuqlugit nutaqqat, inuulrammiit, ilangillu uqaqatigiiktut GN-kut ikayuqtiutingit ihuarhigiami kangirhininnga tamarmikmut;
- Naunaiqkarlugit inuit uuminnga pilaarutingit piumayanginniklu ukununnga nutaqqat inuulrammiillu, havaangillu munariyakhangillu havakviptiknut;
- Tuniluni uqaatikhamik pitquyakhangillu GN-kunnut qanuqtut piliuriami pinahuarutinginnik, ikayuutikhangi, maliktakhangit, maligangillu nakuutqiaq Nutaqqanut Inuulrammiinullu Nunavunmi.t.

# TIKINNAHUAQTANGIT

Inmikkuuqtugut nutaraq inulramiillu ikayuqniq havakvinga naunaiyaqtait Nunavut Kavamanga ikayuqtait hapummiyaillu una pilaarutingit piumayanginniklu inuulrammiuyunut Nunavummiut.v

# TAUTUKTUUYAQTAIT

Tamaita nutaqqat inulramiillu Nunavunmi ilihimayait pittaaqtamiknik, akhuurutigiyait kinauyaakhainnik mihigimayullu ikayuqtauyut ilitariyagit uqariamikni qanuqtut ihumagiyamiknik hunavaluknik ayurhaqtipkaiyainnik.

<sup>1</sup> Tikkuaqtauhimayuq ataniqtuiyit naunaiqhimayuq timiqutigiyanganik, katimayiingit, pitquyauyumik, kuapuriisinganik, havakvinga, aadlaluuniit timiqutigiyauyuq naunaiqhimayuq naunaiqtauyuuqluuniit RCYA-ngani. Ihuariami, tainiingit kavamatkut havakvingit takunnaqtut tamainnit havaanut upalunngaiyautit pipkaidjutigiami tamarmik tainiit.

# MALIKTAUYUT

Havakviup havaanga piyuq hapkunanit akhuurutauyut maligangit naunaiyarhimayuq talvani RCYA-ngani:

- Ihumaliurutit qanuriliurutingillu piyut ukununnga nutaqqat inuulrammiillu piliurhimayukhat angirutigiplugu nakuutqiaq Ihumagiyayut nutaqqat inuulrammiillu.
- Pitquhingit ilitquhingillu piyuq akhuurutauyumik havaaq hakugiktigiami pitaarninnga nutaqqat, inuulrammiit, ilangillu.
- Inuit pitquhingit pimmariktumik piyakhat ikayuqtaulutiklu ukunani ihumaliurutit qanuriliurutingillu ilauyuq Inuit nutaqqat inuulrammiillu.
- Ilangit hivulliqpaanguyut munariniqmut naunaiyautiyullu ukununnga Nutaqqanut Inuulrammiinullu.
- Ilaumatigikniq ukunanit nutaqqat, inuulrammiit, ilangillu pimmariktumik piyukhaq, pittaarumi, ikayuqtauyuuq hakugiktitauyumiklu.
- Akhuurutauyukhaq, pittaarumi, ilauluni pihimalunilu ilanginnit ikayuutinik ukunani ihumaliurutit qanuriliurutingillu piyuq uumunnga nutaqqat inuulrammiillu.
- Ihumaalutingit pimmariktumik piyuq nutaqqat inuulrammiillu ihuarhiyakhaq havaatigut naunaiqtuq ilauniqmut pimmariktumiklu piluni.

# QITQANI HAVAAQ

Tamna RCYO havaktut hitamauyuni piplutik: nmikkut ikayuqniq, atauttimut ikayuqniq, ihivriunniit ukunannga aanirutaulluaqtuq tuquyuniklu, unalu tuhaqtipkainiq unalu inuknut ilihimapkainiq.



Piksangani 2: Qitqani Havaaq

## **INMIKKUUQTUNUT IK AYUQNIQ**

Nunavut Kavamanga tunivaktut amihut pinahuarutit ikayuutillu ikayuriami nutaqqat inuulrammiillu. Kihimi,, humaangittuq nakuutqiamik pinahurumi, ayurhaqniaqtuq. Nutaraq, inuulrammiit, ilangilluuniit ilihimalimaittuq kimut uqaqatigiami ayurhautiminut qanurunaaqniaqtuqluuniit apirhuriami ikayuqtiuyumut. Ikayuqtiuyuq hivayangitkumiukluuniit angayuqqaap hivayaraaqpautinganik talvanngaanilluuniit piyakhamik, uqariyaqhimayanganik. Taimaaluuniit inuulrammiit-munariyauyuq kangirhingitaa huuq pulaalimaittuq ilaminut. Taimailitkaangat, havakvikput ikayuinrialik tuniluni naunaitkutanik, ikayurlunilu inmikmutikayurniq, tuniluniluuniit inukmut ikayuutikhaminik. Taimaittuq inuup ikayuutikhaanik havaaq havakvikput piyuq inuulrammiup aadlaittuq ihariaginnga qanuriliurutinganiklu.

## **TUNIYUQ NAUNAITKUTANIK**

Nunavummiut hivayainrialik havakvikput naunaitkutanik nutaraup pilaarutinganik unalu/unaluuniit kavamatkunnit ikayuutikhat pinahuarutiniklu ikayuqtuq nutaqqat inuulrammiillu. Piguptaluuniit apirhuutimik piyuq hilataaptiknit maligavut, ikayurahuanginnaqtugut pigiami ikayuqtauyumayuq inungmut ikayuutikhamulluuniit tunittaqtuq ihariagiayuyuq naunaitkutanganik.

## **INMIKNIK-IKAYUQNIQ IKAYUUTIMIK**

Ayurnaqpaktuq inuulrammiit ihumaaluktuqluuniit angayuqqanga munaqtingaluuniit uqariami qanuqtut ihumagiyanginnik kavamatkunnut ikayuqtiuyunut. Ikayuqtautilluni, havaktivut ikayuinrialik inukmik ininikikayurninnganik, taimaa mihigiliriami pipkaidjutauyuq uqariamini qanuqtut ihumagiyanganik.

Inmiknik-ikayuqniq ikayuriami atahiyuyuq qanuqtut havakvikput ikayuqtuq angikliyumiriami nipingit inuulrammiit Nunavummiut naunaiqlugulu GN tuhaayait ihumagiyauq qanuqtut ihumagiyamknik nutaqqat inuulrammiillu ihumaliurutinginnik ayurhaqtipkaiyautiyangit.

## **IKAYUUTIMUT IKAYUQTAUNIQ**

Amihut ikayuqtauyumayuq havakviptiknungayut ilauyuq ikayuqtimut ikayuqtauniq. Taimaa piyuq nutaraq inuulrammiillu ikayuutimut havaktinga havaktuq inuulrammiimut kavamatkunillu ikayuqtiutinga ihuarhinahuariami ihumaaluutigiyayuyuq. Kavamatkunni ikayuqtiuyuq sikuuqtittiinguniaqtuq, munarhi, ihumamitigut aaniaqaqtunut ikayuqtiuyuq, ulaasiliqiyii, apirhuivikmi ihuinnaaqtunut havaktinga– kina inuk havaktuq GN-kunni tuniyuqlu kavamaliriniqmut pinahuarutimikluuniit nutaqqamut inuulrammiimulluuniit.

Ihuarhittaqaqtavut ilangit ihumaaluutigiyayut taimaa qaffnik ublunik qaffnikluuniit havainiqmi, taimaa aadlattaq pittaqaqtait qaffnik tatqirhiutinik ilaupkailunilu amihunik ikayuqtiuyut amihunit havakviyunit. Taimaalu, ikayuutimut ikayurniq ilaliutiyuq talvunga havaaq ikayuqtiuyunut, katimayuq nutaramut unaluuniit inuulrammiit angayuqqaangillu munaqtingillu, unalu ikayuqtauyumayuq katimaniq. Pittaarumik, nipinga nutarap hivuliqtiqtaa ikayuutimut havaanga.

## **ATAUTTIMUT IKAYUUTIMUT**

Ilaani amigaittut inuulrammiit atuqpagait aadjikutaanik ayurhautinik ihumaalutinikluuniit. Una havakvinga piyuq atauttimut ihumaaluutimik. Atauttimut ihumaalutit ayurhaqtitait amihut nutaqqat inuulrammiilluuniit; taimailivaktuq kavamatkut maligangit atuqtamknikluuniit havangitkaangat piumayanganik pingitkumiluuniit inuulrammiup ihumaqhutiit unalu/unaluuniit ihariagiyanig; taimailihimmaaqniaqtuq ihuarhingitkumi; ihariaginiaqtuqlu kavamatkut aadlangurumitku maligangit, atuqtamknik maligalirinngilluuniit.

Atauttimut ihumaalutingit havakviptiknut pittaaqtuq naunairiami amihunik pipluni . Havaktivut takuniaqtut aadjikutaanik ihumaaluutinik ittuq qaffuyunik piluni aadlanit inungnit ikayuqtauyumayut naunaiqlugulu una aadlamik ihivriuriamiknik. Maligaliuqtiuyut unaluuniit inuulrammiit ministait uqarniaqtait ihumaaluutinik Nunavuutim maliganga. Tiiviitigut naalautikkut nayuganga tunittaaqtuq ihumaaluutinik inungnut naunairiami. Inuulrammiit inirnullu uqainnarialik havakviptiknut uuminnga atauttimut ihumaalutingit uqarumayaatigut.

Atauttimut ikayuutimut havaanga pittaaqtuq ilitariyaungittumik ilitariyauniluuniit. Iilitariyaungittut atauttimut ikayuutimut atuinnaqtut uqaqatigiikniq havaqatigiikniqmiklu tunigiami aadlangurninnganik . Ihumagiyugut imaittuq atauttimut ikayuutimut ikayuqtait nakuuyumik uuminnga *piliriqatigiinni*, havaqatigiiktut pipkaidjutimut unalu *aajiqatigiinni*, ihumaliuqtuq angiqatigiikniqmut uqaqatigiikniqmullu. Ihumaalutingit piyuq ilitariyaungittumik ihivriuqniq mikkauvaktuq ayurhautit. Ihuarhivagaillu qilaminnaq. Iilitariyaungittuq ihivriuqniq pipkainiaqtuq pipkaingilluniluuniit inungnut uqaqtuq naunaiyaqtunik pitquyauyuq..

Iilitariyauyut atauttimut ihivriuqtut ihumagilluaqtait ayurnatqianik ihumaalutingit. Ihumagiyauniq uqaqtaaqtaait hunavalukmik ilitariyauyumut ihivriuqniq ilaliutihimayug hapkuninnga: akhuurninnga uumannga ihumaalutingit; piniaruknaqhiyuq ihuirutiniaqtaa ihumaalutingit uqaqtaungitpat; qilamiurninnga ihumaalutingit; piniaruknaqhiuqtuqlu ikayuutinik inungnut piyuq ihivriuqniqmit.

Iilitariyauyug atauttimut ikayuutimut pipkaidjutigivaktuq pitquyauyut tuniyauyut kavamatkut havakvinginut piyuq havaanut ihuarhainiq. Pilluangittuq kitunut pitquyauyut aadlanut uqaqtait ukunuuna inungnut taiguagakhaq.

## **IHVRIUQTUT UKUNINNGA AANIRUTAULLUAQTUQ UUMINNGALU TUQUYUNIKLU**

Tamna RCYO ihivriuqtaaqtaait aanirutaulluaqtuq huirutingaluuniit nutaramik inuulrammiinulluuniit. Hapkuat ihivriuqtut tuniyuq akhuurutauyumik pivikhaqautinik ayuriamikni ihuittumik piyanginnik. Pingittuq aadlamut piyumik uqaqhuni, kihimi pivikhaqautilik kangirhigiami huna ihuittumik piyut aullaqtiriami aadlangurninngit pittailigiami aadjikutaanik ayurhautigiyait hivuniqui.

Iilitariyavut hapkuat ihivriuqtut akhuraaluk qayagiyauyut. Ihariagiyut ihuaqtumik ilihimaniq aktikkulaanganiklu havagiami tamaat. Talvuuna, piliurhimmaaqtavut hamna havaaptikni munarittiaqtumik ihumagilluaqtumiklu. Una ilanga havakviptikni tadjia aulapkaihimangittuq ilangillu uuma RCYA piyuq uumunga havaamut maligatigut atuliqtitaungittuq .

## **UQAQATIGIIKNIQ UNALU INUNGNUT ILIHIMAPKAINIQ**

RCYO maligatigut havaalik naunaipkariami Nunavunmiutat ilihimaninnga nutarap pilaarutinganik unalu havakviup maliganga. Aadjikutaanik akhuurutauyut pivikhaqautingit uumani havaaptikni piliuqtuq naalagiami Nunavunmiunut ayuriami nunavunmiutanit uuminnga ihumaalutingit ayurhaqtiqtuq inuulrammiinik.

Inungnut naunaipkaidjutivut havaanga piyuq amihunik aadlatqiinik piyumik ukunanik : uqaqatigiikniq, naunaipkainiq katimayug, nunallaani ikayuutikhanik, akimanahuarutinik, piliuqtuq naunaitkutamik hunavaluknik, ilaupluni inungni katimapkaiyuni, ihuarhiluni havakvipta qaritauyakkut pulaarvinga ([www.rcynu.ca](http://www.rcynu.ca)). Tamaita hapkuat hulilukaarutingit piyut atauhiqmik tikinnahuarutimik: piliuriami hakugiktigiamilu iluqaqatigiikniq ukununnga nutaqqat, inuulrammiit, ilanginnut, amigaittullu Nunavummiut tuniyauyut nunakput inuulrammiit.



# HAVAKVINGA TIKINNAHUAQTANGINNIK

Akhuurutauyuq tikinnahuaqtanginnik 2019-22 havaanut upalungaiyautit pidjutingit hamma:

1

**Tikinnahuaqtanga Hivulliqpaaq:** Angikliyuumiqlugu nipingitnutaqqat inuulrammiillu nunavunmi naunairiami Nunavut Kavamanga tuhaayaat ihumagiyaiillu qanuqtut ihumagiyamiknik unalu ihumaalutingit – inmikkuuqtumit iluittumiklu

**Qanuqtut una itpa:** Ihumaliuqtiuyut qinirhiangitait qanuqtut ihumagiyanganik nutaqqat inuulrammiillu. Kihimi titiraqhimaninngani CRC, inuulrammiit pilaarutilik ilaugiami ihumaliurutimit ayurhaqtipkaiyaanik. Havakvikput ilitariyait inuulrammiit ittukhaungittut uqaqtaminik kavamatkut ihumaliurutingit kihimi tuniyukhaqlu nakuuyumik ihuarhigiami ihumaliurutit, pinahuarutit, maligallu.

Hivulliqpaami qaffnik ukiunik aulapkailiqmata, ikayuliqtavut inmikkuut nutaqqat inuulrammiillu uqariami ihumaalutingit ukununga kavamatkunni ikayuqtiuyuuq. Hivumuuqtumik, pihimmaaqniaqtavut una havaaq. Qinirhianaqtugut angikliyuumiriami nipinga nutaqqat inuulrammiillu angikliyuumiqlugit inuulrammiit ilauninnga havakviptikni.

2

**Tikinnahuaqtanga Tuglia:** Aulapkailugu RCYO taimaa ikayurniqs tuniqhaininnga qanurittaakhaanik ikayuutimut havaangit nutaqqanut, inuulrammiinut, ilanginnullu.

**Qanuqtut una itpa:** Uqaqtikhaanik Nutaqqanut Inuulrammiinullu Havakvinga nutaanguyuq hunavaluk Nunavunmi. Taimaa 2014-16 akhuurutauyut ukiut havakvinganut piliurninnganik, ilitariyavut amihut havaaq ittuq ukiuni hivuniqmi. Taimaani havakviup aullaqtilihaarmagit ukiungani, hakugikhimmaaqniaqtavut tunngavivut. Una uqariyaqniq piliurhimmaaqtumut ihuarhaqhimmaaqtumut naunaiqniaqtaa tamna havakvinga tuniyuq qanurittaakhaanik ikayuqniq pinarhurut ikayuqtuq ihariagininnit inuulrammiit Nunavummiut ilangillu.

3

**Tikinnahuaqtanga Pingahua:** Atuliqtitauliqlugu Nunavummiutat kangirhiyuq nutaraq ihumaqhutiit havaangillu unalu maliktakhangit tamna RCYO.

**Qanuqtut una itpa:** Timiqutigiyavut atulihaaliqtuq amigaittuqlu havaakhaq piyakhavut angikliyuumiriami ilihimaninnga unalu kangirhiyuq havaaptiknik, RCYA, unalu CRC. Unatitut, havakvikput ihumagilluaqhimmaaqtaa inungnut ilihimapkaininnganik. Havaktugut naunaiyariaminutaqqat, inuulrammiit, ilangillu piumayait ikayurnivut qanurunaaqnaittumik pigiami. Akhuurhimmaaqniaqtugullu angikliyuumiriami aadlat akhuurutauyut tigumiaqtuutigiyayut ilihimaninngit kangirhimaninngillu havakviptiknut, unalu, kihimi kikliqangittuq talvunga, ikayuqtiuyunut, kavamatkut havakvinginnut, nunamiknilu hivuliqtanginnut.

# 4

**Tikinnahuaqtanga Hitamaa:** Atuliqtitaulluni havaqatigiiktumik havakniq ukununnga Nunavut Kavamanga havakvinginnut ihuarhigiama pinahuarutit ikayuutillu ukununnga nutaqqat inuulrammiillu Nunavunmit.

**What this means:** Tamna RCYA uqaqtuq Uqaqtikhaanik uktuqtukhaq Inuit Nuatqatigiiknikkut Ukpriyain havagiami havaangit piyunnautinganiklu. Unalu, RCYA ilitariyangit ihumaalutingit pimmariktumik piyuq nutaqqat inuulrammiillu ihuarhaqtauyukhaq havaatigut naunaiqtait ilauniq pimmariktumiklu. Tamna RCYO ihumagiyait qanuriliurutingit *piliriqatigiinni/ikajuqatigiinni* ihariagiyaayuq pigiami ihuarhainnngit ukununnga inuulrammiinut Nunavummiut piimayaptiknik.

Una ihumagiyaptiknik, akhuraaluk akhuurutigiyaayuq tamna RCYO havakvinga atuliqtitaayuq nakuuyumik havaqatigiikniqmik ukununnga Nunavut Kavamanga havakvinginnut. Tamna havakvinga ihumaliuqtut pigiami una aadlanut tunihimmaariami naunaitkutaq piyuq maliganganit maliganga; naunaiyaqlugu qanuqtut havakviup havaaq unalu Nunavut Kavamanga havakviup qaangiutinga; havaqatigiikniqmik hakugiktigiami akhuurutiqaliraikpat; tunigumilu naunaittumik naunaitkutanik umunnga pimmariktumik piyuq maligatigut havaangit titiraqhimayumi RCYA. Tamna RCYO ihumagiyut pihimmaqniq piqutingit uumani ikayurniaqtaat qanurittuq havaqatigiikniqmik ihariagiyaayuq pigiami tikinnahuarutinik.

# 5

**Tikinnahuaqtanga Tallimautaa:** Piliurluni aktikkulaanga piqutikkut havakingit ayuirhainnnganut pivallianinnganullu.

**Qanuqtut una itpa:** Tamna RCYO nunavuutim hivuliqtiiyuq timiqutigiyayuq ihumagilluaqtuq nutarap pilaarutinganik ikayuutimut. Una nutaanguyuq qiniqtauyuittuq nunanga Nunavunmit. Talvuuna, havakvinga piliuliqtuq akhuraalukmik piqutingit piliuriami aktikkulaanga ilitarilugit pipkaiplugillu havakingit ayuirharutikhanginnik pivallianiqlu havauhhikhaq qakunnguraikpat. Taimaittut piqutauyut naunaiqtait havakingit tunittaaqtait ayuittiaqtumik ikayuutinik tamainnut tigumiaqtuuqatauyut katimayiinut.

# 6

**Tikinnahuaqtanga 6ngani:** Ilauvaluni qakunguraikpat ukununnga qablunaat nunagiyangani/avikturhimayuni nunanginnit ikayuriami havakviup tuniqhainnngani ikayuqniqmik.

**Qanuqtut una itpa:** Ilaukmat ukunani Kanatami Katimayit Nutaraq inuulrammiillu Ikayuqtait (CCCYA)<sup>2</sup>, havakvikput avakvikput ikayuutingit ukununnga akhuurutauyut ayuittiaqtut ikayuutimik, unalu, piinariaaqiplunilu ikayuutikhamut, nakuutqiat atuqtamiknik, ihivriurutaayuniklu. Una ilauniq tuniyaalu ikayuriami ilanganik RCYA iluani nunanganni angirutingit ukunanit ikayuqniq havaktuq tamainni Kaanatami.

Ihumagiyuq qanuraaluktut uqaqtamiknik havakvinga tuniyuq, ilaliutihimayuuq nutaarninnganit qanuraaluktutlu piyuq Nunavut inuulrammiit ahinunngaqtauhimgittut nunavunmit munariyaayuukhaq, ayuittiaqtut ikayuutimik Kaanatamiutanit nutaraq unalu inuulrammiit ikayuqniq nunallaangit ihariagiyaayut havakviup piliurninnganut nakuuyumiklu pigiami.

<sup>2</sup> CCCYA katimaqatigiyaayuq nutaqqaup ikayuqtait tamainnit Kaanatamit piqaqtut maliktakhangiiq ikayuriami ihumaqhutiit nutaqqanut inulramirnullu atuliqtitaugiami nipingit. Katimayitikkut, tamna hiknaqti ilitariyait ilanganit atayumik ihumaalutinganik havaaqlu piliuriami qanuqtut uqariami ihumaalutingit kaanatami humi ittaakhangani.

# NAUNAIPKAINIQ HIVULLIUTIGIYAKHAT HAVAUHIKHAT 2018-19

## HIVULLIUTIGIYAKHAT 2018-19

**Ihivriuglugu ihuaqhaqlugulu havakviup aulavikhaita atugakhaat malikkuutaatlu taapkunanut havakviup havakhimmaaqtauyukhainnik akhuuqhainirmunlu ihivriungnirmun iniktigutaita.**

### QANURINNIA:

- Tamatkiutiplutik ihivriupaktut piyut RCYO kut auladjutikhainnik atugakhaannik malikkuutainniklu. Ihuaqhaffaaqtauhimayut malikkuutaannik iniqitut.

**Pidjutihimmaaqut piplutik ihumagiplugit inuulrammiit inmik-akhuuqhainirmun katimadjutainnik katimapkaiyumaplugit ilihaqtut 7 min 12 mut tamaani nunaptingni.**

### QANURINNIA:

- RCYO kunni havaktit katimapkaivaktut inmik-akhuuqhainirmun katimapkaiplutik 500 nut inuulrammiinut Nunavunmiunut tamainni pinggahuit avikturviit nunavunmi 2018 mi 19 mut.

**Iniktiqlugu havakviup hivulliqaanggutaa ihuaqpiaqtumik qaritauyakkuuqhimayumik ihivriuqtaariami.**

### QANURINNIA:

- RCYO kut ihuaqpiaqtumik qaritauyakkuuqhimayut ihivriuqtaariami ihumailiqinikkut ikayuutikhait nutaqqanut inuulrammiinunutlu inikpiaqhimaliqtuq 2018 min 19 mut. Havakviat piyumayut tuhaqtipkaiyumaplutik titiraqtauhimayumik inungnut auyanggukkat 2019 mi.

**Pivikhaqaqlutik havaktinut ilihavikhainnik ayuittiarimingnik hapkunani: Nunaqqaarhimayuni Pitquhikkut Ayuittiaqutikhait qiniqhiaqlutiklu pittaaqtungnaqhiumik akhuuqhainirmun himmauhikhanik havaktiinnik.**

### QANURINNIA:

- Tamaita RCYO kunni havaktut iniqtiqtaat Nunaqqaarhimayuni Pitquhikkut Ayuittiaqutikhait katimadjutaanni.
- RCYO kut ikayuqpaqtutlu pivalliavikhamik talvuuna mikhaatigut Kanatian Katimayiita Nutaqqat Inulgamiitlu Kivraqtuivikhainnik (CCCYA mik naunaittuq) havaktiinggit himmauhiqtiplugit. Havakvia tunihiyutlu uktuutikhamik havaktinut himmauhivikhainnik ihumaliuqtaqhaannik Katimayiita.

## **Iniktiqlugu tuhaqtipkainirmun takupkainirmunluunniit ihumaliutqiktauyukhamik hivuni pidjutinnanik havakviup inmigiyaikhainnik qun'ngiaqtauyukhauyunik tiiviikkut.**

### **QANURINNIA:**

- RCYO kut qun'ngiaqtauyukhauyunik tiiviikkut tuhaqtipkainikkutluunniit iniqhimaliqtaat 2018 min 19 mut. Havakvia niriuhuguktut takupkagumaplugu tiivikkut qun'ngiaqtauyukhauyunik 2019 mit 20 mut.

## **Pinahuaqlutik havaqatigiiqulugit avikturviit taapkunanik Nutaraup Pilaagutainnik Aktungnaktunik Ihivriugutauyukhat ikayuutainnik atuqtauvaktunik Kanatami avataanilu Kanatap.**

### **QANURINNIA:**

- Pinahuaqlutik havaqatigiiqulugit avikturviit taapkunanik aadjiliuqhimayaayut Nutaraup Pilaagutainnik Aktungnaktunik Ihivriugutauyukhat ikayuutainnik atuqtauvaktunik Kanatami avataanilu Kanatap. Iniktigutait aadjiliuqhimayaayunit atuqtauniaqtut pinahuaqlutik pivalliavikhamik Nunavulluaqmin pilluagutikhamik piqaqlutik ikayuutimit.

## **Pivalliaqhimmaaqlutik havakviup ihivriuqtainnik aanniqtaudjuaqutigiyayyunik huigutainnutlu pivalliavikhaannik, ilaliutilutik ilitturiyaunahuaqlugit ikayuutigilluayuktunik.**

### **QANURINNIA:**

- RCYO kut ilitturiyut ihariahuktut aanniqtaudjuaqutigiyayyunik huigutainnutlu ihivriuqtikhamik havaktikhamik. Uuktuktut havaaqhamik tuniyaupluni Aagassi 2018 mi.
- RCYO kut havaktiit pidjutihimaaqaktut pivalliavikhamik havaamik pidjutigilluaqtumut aanniqtaudjuaqutigiyayyunik huigutainnutlu ihivriuqtikhamik piutaannut. Hulidjutikhait ilaliutilgit havaamut taapkuangnguyut:
  - Pidjutihimaaqlutik naunaiqlugit titiraqlugitlu aanniqtaudjuaqutigiyayyunik huigutainnutlu naunaiqhimayainnik RCYO kunnut.
  - Hivuni ihivriuqaktait ilangginni Nutaqqanut Ilagiiktunutlu Havaktiit Malikkuutaanni pidjutihimayut havakviit avikturviinni maligaita pitquyayukhanik pidjutihimayut huiqhimayumik havaqatigiyaannik huiqhimayumiklu nutagak munaqtautipluni munariyauhimapluniluunniit munariqaqvingmi
  - Ihivriuqtaat maligaliuqtauhimayait taapkunanit aadlat Kanatian akhuuqhaiqviat havakviit ihumagilluagiplugit aanniqtaudjuaqutigiyayyunik huigutainnutlu piyukhat tunihilutik naunaiyautikhainnik kangiqhidjutiniklu aanniqtaudjuaqutigiyayunitinut. Havakvialu piyut naunaitiagutikhamingnik ilanggini *Kivraqtuiyinga Nutaqqanut Inuulrammiinunutlu Maligaannit* pidjutigilluaqtut piimayaayunut katitirirmunlu naunaiyautinik aanniqtaudjuaqutigiyayyunik huigutainnutlu RCYO kunnut.
  - Hivittuquuumiqhugu pivallivikhamut tiqqait, ilaliutilugiplugitlu kangiqhidjutiit taapkunaniklu aanniqtaudjuaqutigiyayyunik huigutainnutlu unniutidjutit titiqqat iniktiqtauyukhat titirait.

**Ilauluni katimadjutit taapkunani Kanatian Katimayiita Nutaqqanut Inuulramiinunutlu Akhuuqhaiyit ikayuqhimaqtlutiklu Katimayiitut pinahuaqhimadjutainnik, ilaliutilutiklu tun'ngahuqtittitutik 2018 mi upin'ngakhami katimadjutaanni.**

**QANURINNIA:**

- RCYO kut ilauyut CCCYA katimadjutainni Juun mi Aktuupamilu 2018, Jaanualimilu 2019 ilaulutik.
- RCYO kut tun'ngahuktittiyut Juun 2017 CCCYA katimadjutaa Iqalungni, Nunavut. Aadlamik ublumik ilaliutiyut katimadjutaannut katimavikhainnik katimadjutigiumaplugu Inuit in'ngilraangnitait pitquhialu.
- Ilaupluni CCCYA havaktiit himmauhianni havaqatigiiktuni, RCYO kut ikayuqpaktut pivalliaavikhamut takupkaqtittiplutik Katimayiita havaktii himmauhiatigut piutaanni.
- RCYO kut aadlanut tuhaqtipkaihimmajaqpaqtait akhuuqhaigutininut ikayuutit taapkunanut ilauyut Katimayiyimi. Ikayuutit tuhaqtauyut 2018 min 19 mut hapkuangnguyut, inuulrammiinik ihumaliqidjutikkut naunaiyautiqaqhutik, naammagiyaayut ihivriugutiit, inuulrammiit inmik-akhuuqhainirmun katimadjutait ikayuutikhat, taapkuatlu RCYO kut atauhirmik makpiraamik piksaqaqtunik taiguutiniklu.
- RCYO kut ikayuqhimmajaqpaqtut pivalliaavikhainnik tuhaqtipkaiplugitlu hapkuat ilaudjutiviqaqtut titirarhimayut, titiraqtauhimayut tuhaqtipkaivikhaniklu:
  - Tuhaqtipkaivikhat Kanatami Nutaqqanut Ublua akhuuqhutik ilitturipkaiquummiqunahuaqhutik nutaqqat pilaagutainnik.
  - Titirarhimayut piiqquplugu Ontario mi Nutaqqanut Akhuuqhaiyit Havakviat.
  - Titirarhimayut Hivuliqtimun Ford ilitturipkaiyumaplugu CCCYA ngatakiraqtuidjutainnit Ontario ngat kavamaita ihumaliuqtaannik piiktauniatigut *Kanatap Avikturviat Kivraqtuiyinga Nutaqqanut Inuulrammiinunutlu Maligaa*, 2007 umiklugu Ontario mi Nutaqqanut Akhuuqhaiyit havakvia.
  - Titiraq Maligaliuqtimun Jean-Yves Duclos, P.C, Minista Ilagiiktunut, Nutaqqanut Inungnilu Pivalliaiviliqinikkut ihumagiaplugu Katimayiita ihumaliuqtaannik Kanatap Manikhaaqhanut Havaguikpiagumik Nutarap Qimaktaugumik Ikayuutikhaat.

## **Iniktiqlugu pivalliavikhaat nutaqqanut inuulrammiinnut ayurnaittumik pilutik piliuqhimayuq Nunavunmi ikayuutikhaq nutaqqanut pilaarutainnik.**

### **QANURINNIA:**

- Havaqatigiplugit Havakviata Ilinniaqtuliriyitkut Inhabit Ilinniaqviit, RCYO kut iniktiqtaat pivalliavikhaat makpiraamik nutaqqat pilaagutainnik, atia, Mosesie Speaks Up. Taiguagut ilaudjutigiyaat Ilinniaqtuliriyitkut Ihuaqtuvikhaat Taiguangnirmun Titirangnirmunlu piutaa pivalliaqtaupluni taapkunanut ilihaqtunut grade three mi taiguyuktuni talvani. Makpiraaq pidjutilluaqhimayuq nakuuyunik piqatigiingnikkut, ihuaqtumik tuhaqtipkainikkutlu, inmiklu-akhuuqhaigutikhainnut. Pivallianikkut ilaliutihimayukhanik hulidjutikhanik makpiraamut ikayuqtikhainniklu ilihaiyinut piliqtut. Havakviata niriuqtut makpiraaq taamna ilaliutihimayukhaniklu hulidjutikhanik tuniqhaiyauniaqtut sikuuqviinnut Nunavunmi ilihavqingganni sikuuqviup 2018 min 19 mut.
- RCYO kunni havaktiit pivalliajutyut piliqhutik nutaqqamut naammagiyayumik pilaagutinut ulapqidjutikhaanik nutaqqat ilihavqut three mit siksinut. Sila Alappaaqtuq: Igloo tigut Ulapqidjut, illitturidjutaayuq piutainnik nutaqqat pilaagutainnik munaridjutikhainnik ulapqidjutigilugit aadlat nutaqqat alianaqhuni hulidjut uqaqviginiaqtaatlu.

## **Iniqtiqlugit malikkuutikhat havaaqhat malikkuutigiyaaqtut havaqatigiikkut RCYO kut Munaqhiliqiyitkut Nunavut Kavamainni, Ilinniaqtuliriyitkut, Maligaliqiyitkut, Inuliriyitkutlu.**

### **QANURINNIA:**

- Malikkuutikhat havaaqhat Munaqhiliqiyitkunni, Ilinniaqtuliriyitkunni, Maligaliqiyitkunni Inuuliriyitkunnilu iniktauyut atuqtauvakhutiklu ukiumi maligavikhainnik havaqatigiiktut RCYO kunni havakviitlu.

## **Pidjutihimaaqluhi qiniqhialuhi nakuuqpiaqtunik ilaudjutivikhainnik inuulrammiit Nunavunmiutat havakviit havainni.**

### **QANURINNIA:**

- RCYO kunni havaktiit pidjutihimaaqtut havakviup nunallaanut upalugaiyakhimayunik tingmidjutikhainnut. Pulaaqhimatillutik nunallaanut, havaktiit RCYO kunni hivulliutigiumayait katimadjutait inuulrammiit pulaaqlugit sikuuqviit illitturipkaiyaami RCYO kut inmi-akhuuqhainirmun katimadjutinik, illitturipkailutiklu havakviat nutaqqatlu pilaagutainnik.
- RCYO kut takupkaidjutyut hitamaulihui ukiuq tamaat Unipkaatit, Nipit akittaqaataamik Nunavut sikuuqviinnut illitturiyaangginni nutaqqat pilaagutainnik Kanatamilu Tamaat Nutagaup Ubluanik. Akittaqaataani akimayut tuhaqtitauvaktut Nuvaippa 20, 2018 mi.

- RCYO kut ilauvaktut Inuksuk An'ngayuqhiit Sikuuqvianni nirinnaqhimatinagu upalunggaiyiplutik, tuniqhaiplutik akiliqtuiplogu Kanatap Tamaani Nutagaup Ubluangganni niriyaami nirinnaqhivianni 160 nguyungnaqhiyut iliaqtut havaktiitlu. Talvaniitilluni sikuuqvingmi, RCYO kunni havaktiit tuhaqtityut naunaiyautinik nutagaup pilaagutainnik havaanggitlu havakvianni talvuuna piplutik ilinniaqviup tuhaqtipkaidjutaani piqaqhutiklu naunaiyautikhamik. RCYO kunni havaktiit ilauvaktutlu agyaqtuutimit nutaqqanik sikuuriaqtunik ihuaqhaqhimayaanik Iqalungni Sikuuhaaliqtuni Laisiaqviugiyainnit quviahuutigiplugu Kanatap Tamaani Nutagaup Ubluangganik.
- Ilaudjutigiplugu havakviup qaritauyakkuugutigiyannik ihivriupaktut ihumailiqidjutinut havaktiit nutaqqanut inuulramiinunutlu Nunavunmi, havakviata naunaiyaqtut atauttimut 225 inuulrammiit ihivriuqtauvaktut ilauyut nungguliqtumi 2017 mit 18 mut maniliqinirmut ukiungganni. Iniktiqhimayut inuulrammiit ihivriugutainnik ilaliutihimayut kinggulliqaami titirarhimayumi naunaiyautikhamik ihumailiqidjutinut havakviit nutaqqanut inuulramiinunutlu Nunavunmi.
- Iniktigutaanni kiudjutinut inuulrammiit, havaaqhanik pivikhaqariami havakpaktut hivayautinnuanit titiraqariami iniktauhimaliqtuq. Havakviata niriuqtut piliuriami havaagiyakhaq 2019 mit 20 mit maniliqinirmut ukiungganni.
- Titiqqiviliqidjutikhat inuulrammiit naammagiyainnik naunaiyautikhanik inungmit uqaqtiunikkut havakviit ihumagiyauvaktuq. Inuulrammiit kiudjutait atuqtauniaqtut piyaami nakuuhivalliyukhanik RCYO kunni inungmit uqaqtiunikkut havakviivikhamik.
- Auyami Ilihaqtunut Havallangnahuartikhamut, RCYO kut havaaniktittivaktut tuhaqtipkaivikhanut ihuaqhaiyikhamik. Ilihaqti ikayuqpaqtuq havakvingmi naunaiqhugit inuulramiup uqaqtainnik qaritauyakkuuqhuni ihivriuriami ihumailiqidjutinut havaktiit ikayuqhunilu havakviup inungmit tuhaamapkaidjutikhainnut ihumaliutqiktukhamik.
- RCYO kut pidjutihimaaqtut ihivriuhutik aadlanik qanuqtun ilaupkariamingnik inuulrammiinnik Nunavunmiut havakviup havakvianni. Ilaliutipkaiplunilu RCYO kunni havaktiinnit inuulrammiit-hivuliqtuiplutik katimavikhami qiniqhiaplutik nakuuqpiaqtunik qanuqtun piyakhainnik ilaudjutivikhainnik inuulrammiit.

**Tuniluhi kiudjutikhanik Nunavut Kavamangannut Ilinniaqtuliriyitkunnut, Nunalingni Kamatkunillu Pivikhaqautikkunnut, Inuliriyitkunnutlu havaktauyakhanut Havakvia Maniliqiyilluamut Kanatap pitquyainnik tahapkunanit titiraqtauhimayut unniutikhat:**

- Nutaqqat, Inuulrammiit Ilagiiktunutlu Pivikhait Ikayuutikhaitlu Nunavunmi (Maassi 2011).
- Aanniqtailiyudjutinik Sikuuqviinni, Nutaqqatlu Munaqtauviinni Nunavunmi (Nuvaippa 2013).
- Qanurinmanggaatlu Naunaiklutik Titirarhimayumik Unniutimik Nutagaup Ilagiiktununutlu Havakviit Nunavunmi (Maassi 2014).

**QANURINNIA:**

- RCYO kut tunihilutik kiudjutimik pinggahunut GN kunni havakviinnut naunaiyudjutihimayuk. Tugliuyuq ministanut tamainni havakviinni pihimaliqtut titiqqamik RCYO kunnit titirarhimayumik havakviinnut atuliqtauhimayukhanik akhuugutainnik.

# HIVULLIUTIGIYAUYUKHAT TIKIUTIUMAYAIT HAVAAQHAT 2019-2022

## HIVULLIUTIGIYAUYUT 2019-20

- Uqaqlutik Maligaliurvingmut Nunavunmi maniiitnik ilitquhimayut aulavikhanutlu *Kivraqtuiyikhainnut Nutaqqanut Inuulrammiinnunutlu Maligaa* hivuani pitquyahimavaktumi talimanut ukiuni ihivriungninggani.
- Qinikhialutik aadlanik qanuqtun ilauvikhainnik an'ngayuqqaat ilagiiktutlu havakviup havaangginni.
- Naunaiyaqlugu ilitturiyaunianikkut havakviup pitquyahimavianniklu
- Naunaiyaqlugu nakuutqiadjutit havakvianni ilitturiipkainikkut ikayuutikhat.
- Aulaqtiqlugu pivallivikhaq Nunavut pivikhaat Nutagaup Pilaagutait Aktungnautigiyauyut Ihivriuvikhaanik ikayuutikhamingnik.
- Havaklutik ihuaqpiagutikhamik ihivriuvikhainik inungmut uqaqtiunikkut piutaannik.
- Pivikhaqqaqliutik qaritauyakkut munariyaqattaqvikhamik pitquyahimayunik talvamiit qaritauyakkut ihivriupagainnik.
- Iniktiqlutik tugliuyudjutainnik pulaaqlutik nunallaanut pivikhaqqaqlutiklu pinggahuiqtuvikhainnik.
- Paatnaqatigiiplugit Ilinniaqtuliriyitkut Inhabit Ilinniaqtuliiyitlu, havangnahuaqlugit pivallivikhat tugliqhaanik nutagaup pilaagutainnik malikkuutikhaq taiguaqtakhamik, pidjutitlutik havakviat Nalauttiaqhimayut Taiguangnirmun Titirangnirmunlu piutaa.
- Ilihavikhaqqaqtittitlutik havaktiinnut ayuuttiaqhimayut pivallivikhainnik havaaqhanik hapkunani: *Tuquttuni Ilittuqhaiyip Maligaa* Kanatianlu Katimayiita Nutaqqanut Inuulrammiinnunutlu Kivraqtuiyiggit uqaqtiunikkut ilihavikhainnik.
- Illaulutik katimadjutini Kanatian Katimayiita Nutaqqanut Inuulrammiinnunutlu Akhuuqhaiyini ikayuqhimmaaqlutiklu Katimayiyimut.



## **HIVULLIUTIGIYAUYUT 2020-21**

- Qiniqhialutik amigaikyuummigahuaqlutik havakvingmi takunnaqtunik havaktiinnik tamaani nunaptingni.
- Havangnahuaqlugit aadlangguktut havakviup inungnut ilitturidjutaita tuhaqtipkainikkutlu ihumaliutqiktaannik, naunaigiyaulugu iniqhimayut ihivriugutait havakviup atuqunahuaquyait titiqqat.
- Ilihaivikhainnik pidjutigilluaqhimayunik United Nations Katimadjutaanni Pilaagutainnik Nutaqqat Nutaqqatlu Pilaagutait Aktungnaktunik Ihivriuvikhainnik taapkunanut Nunavut Kavamainni an'ngayuqhiit havaktiit havaqatigilugitlu Nunavut Kavamanga qiniqhialutik atulirnikhaannut Nutaqqat Pilaagutait Aktungnaktunik Ihivriuvikhainnik ikayuutikhaanik. .
- Havaqatigilugit Nunavut Kavamanga, qiniqhialutik tunihilutik United Nations Katimadjutaanni Pilaagutainnik Nutaqqat ilihavikhainnik Nunavut Kavamainni takudjutiliqpakkaaliqpaktainnik uqaqvigilgaaliqpaktainnik havaktiit.
- Takupkaqtitaqlugu havakviup aanniqtaudjuaqgutigiyayunik huigutainnutlu ihivriungnikkut piutaanik.
- Paatnaqatigiiplugit Ilinniaqtuliriyitkut Inhabit Ilinniaqtuliyiyitlu, havangnahuaqlugit pivallivikhat pinggahuuluni nutagaup pilaagutainnik malikkuutikhaq taiguaqtakhamik, pidjutilutik havakviat Nalauttiaqhimayut Taiguangnirmun Titirangnirmunlu piutaa.
- Illaulutik katimadjutini Kanatian Katimayiita Nutaqqanut Inuulramiinunutlu Akhuuqhaiyini ikayuqhimmaaqlutiklu Katimayiyimut.

## **HIVULLIUTIGIYAUYUT 2021-22**

- Pivallivikhamik pilutik munarilugu havakviup havaktiinnut naammagiyainnik ihivriugutimik.
- Qiniqhialutik pivikhainnik inuulrammiit aadlanut tuhaqtipkaiyaangginni ihumagiyainnik taapkunanut hivuliqtiuyut kavamani.
- Paatnaqatigiiplugit Ilinniaqtuliriyitkut Inhabit Ilinniaqtuliyiyitlu, havangnahuaqlugit pivallivikhat hitamauluni nutagaup pilaagutainnik malikkuutikhaq taiguaqtakhamik, pidjutilutik havakviat Nalauttiaqhimayut Taiguangnirmun Titirangnirmunlu piutaa.
- Illaulutik katimadjutini Kanatian Katimayiita Nutaqqanut Inuulramiinunutlu Akhuuqhaiyini ikayuqhimmaaqlutiklu Katimayiyimut.

# NAUNAIRVINGA A:

## Kiinauyaliriniqmut Naittuq

Havaamut Naittuq	2018 – 2019 Maniit Atuqtakhat		2019 – 2020 Maniit Atuqtakhat		2020 – 2021 Ihumaliurhimayuq		2021 – 2022 Ihumaliurhimayuq	
	\$000	Qaffit Havak- tiujukhat	\$000	Qaffit Havak- tiujukhat	\$000	Qaffit Havak- tiujukhat	\$000	Qaffit Havak- tiujukhat
Akikhangit	1,381	9	<b>1,426</b>	<b>9</b>	1,426	9	1,426	9
Aittuuhiat Ikajuutillu	–		–		–		–	
Aadlat Aulatjutauyut Maniit Munariniillu								
Tingmidjutit Taaksikkuurutillu	195		<b>195</b>		195		195	
Hunavaluit Tamayallu	195		<b>145</b>		145		145	
Niuviqtauyut	65		<b>65</b>		65		65	
Kaantraliqinirmut	250		<b>250</b>		250		250	
Akingit Akiliqtangillu	5		<b>20</b>		20		20	
Pilluaqtut Piqutit	19		<b>19</b>		19		19	
Qaritauyakkut Atuqtakhangit	20		<b>10</b>		10		10	
Aadlat Aulatjutauyut Maniit Munariniillu – Atauttimuuqtinnagu	749		<b>704</b>		704		704	
<b>Atauttimuuqtinnagu</b>	<b>2,130</b>	<b>9</b>	<b>2,130</b>	<b>9</b>	<b>2,130</b>	<b>9</b>	<b>2,130</b>	<b>9</b>